



Universitätsbibliothek Paderborn

Thesavrvs Casvum Conscientiæ

Continens Praxim exactissimam De Censvris Ecclesiasticis, Aliisque Poenis, & Canonicis impedimentis, in Septem Libros distributus ...

Decisiones Casvum Conscientiæ Ex Doctrina Consiliorvm Martini Ab Azpilcveta Doctoris Nauarri collectæ, & iuxta librorum iuris Canonici dispositionem in suos Titulos distributæ

Sayer, Gregory

Venetiis, 1627

28 Religio sancti Stefani, vera, & approbata religio est, sub regula sancti Benedicti erecta.

urn:nbn:de:hbz:466:1-13903

re autem nolentes, sine clausura viuere possunt; Ab ordinarijs tamen si scandaloſe viuunt, puniri debet, nec vltorius multiplicari, aut recipi queunt, ita decernente Bulla Pij V. circa pastoralis. edita 1566. conf. 8.

DECISIO XXI.

Ex conf. 17. alias 16.

Cum nemo ad castitatem vouendam, aut ad crescendum in perfectione cogi possit, c. integritas 32. q. 1. c. gestos. d. 74. & gl. ibi in verb. crescere. nec prælati vltius inferior, aut superior, quamuis Papa sit, vltius religiosum ad duriorē vitam, quam vouerat, aut ad transcundum ad aliam regulam strictiorem, vel laxiorem cogere potest; vnde neque fratres Minores Conuēntuales (quorum regulam Pius V. in Hispania extinxit) ad profitendā regulam Fratrum Minorum obseruantie, compelli poterunt, quandoquidem horum regula longe durior, & diuersa sit, quam Conuēntualium regula: Quia hi sancti Francisci regulam Priuilegijs Apostolicis temperatam; illi vero eam nullo tali temperamento laxatam, profitentur.

DECISIO XXII.

Ex conf. 18. alias 19.

Profectio religionis non approbatæ, aut ab eo admiffa, & accepta qui profitemem, alicui regulæ approbatæ obligare non potest, nulla, & inuāda censenda est, sic tamen professus tria vota castitatis, paupertatis, & obedientiæ, tanquam vota simplicia, & non solemnia vbiunque fuerit, seruare tenetur.

DECISIO XXIII.

Ex conf. 19. alias 54.

Tertiarij S. Francisci licet extra congregationem viuentes religiosi non sint, ex Gl. in clem. 2. cum ex eo, de sent. excomm. intra eam tamen viuentes vere religiosi sunt, & tria vota essentialia vouent, nec ad aliam religionem etiam mendicantium, aut sancti benedicti nisi petita licentia, transire possunt, petita vero licentia, & non obtenta, transire valent. Arg. cap. licet, de Regula. Iusta vero causa transcendi ad aliam religionem etiam æqualem, vel laxiorem est, quod regula illa Tertiariorum non sit perpetua, sed finiēda, & consumenda, eo quod per nouē recipiendos restituti nequeat. Arg. cap. 5. adhuc, de relig. dom. in 6.

DECISIO XXIV.

Ex conf. 20. alias 14. de statu monach.

Regularis quamuis sine prælati licentia nihil habere, possidere, dare, vel accipere possit, c. non dicatis, 5. r. quest. 1. neque de licentia tanquam rem propriam, cuius dominum, & possessionem suo nomine habeat, cap. fin. de statu monach. de illius tamen licentia bona mobilia, vel immobilia monasterij tanquam peculium suis vltibus, & necessitatibus deputatum, ad vtilitatem monasterij cuius bona sunt, ex iusta causa, non obstante Concilij Tridentini decreto, in sess. 25. c. 2. de reg. quod nihil noui iuris inducit, sed tantum ius antiquum declarat, & de concessione sine iusta causa loquitur, habere potest. d. c. non dicatis, & c. 2. & fin. de statu monach.

DECISIO XXV.

Cum monachus ad suum prælatum ita se habeat, vt seruus ad Dominum suum, ex Innoc. in c. cum olim de priuileg. Pan. in c. edoceri, de refer. & in c. cum ad monasterium, de stat. monach. & conf. 80. vol. 2. ita vt illi resiste re non possit, cum neque velle, neque nolle habeat, sed totus dependet a superioris arbitrio, & voluntate, c. non dicatis, 12. q. 1. c. si religiosus de ele. 6. & c. 2. de testam. in 6. & cap. Nolo 12. q. 1. potest prælati regulam pro voluntate sua, sine vlla causa iusta beneficium regulare, & alias

quascunque concessiones monacho suo factas reuocare. cap. porrectum cap. ad audientiam, de confir. vul. & d. c. cum ad monasterium. S. rales. & cle. 1. pen. de sup. priuileg. adeo vt inferior, etiam de spolio, contra prælatum spoliatum, modo id bono animo faceret agere non possit.

DECISIO XXVI.

Ex conf. 21. alias 12.

Cum milites sancti Ioannis Hierosolymitani tria vota substantialia castitatis, paupertatis, & obedientiæ in manibus superioris sub regula a sede Apostolica approbata emittant, vere & proprie religiosi, & regulares censeri debent, & proinde sub Concilij Tridentini, sess. 6. c. 3. de reform. dispositione, statuentis neminem clericum secularem, vel regularem degentem extra monasterium, etiam sui ordinis priuilegij prætextu, tutum censeri, quominus, si deliquerit, ab ordinario loci, tanquam sedis Apostolicæ delegato, puniri & corrigi valeat, comprehenduntur, etiam si priuilegia aliqua in contrarium habeant, quibus per clausulam generalē Concilij per viam legis positam derogari censetur. Arg. cle. dudum. S. fin. de sep. & Fel. in cap. accedentes, num. 4. de priuileg.

DECISIO XXVII.

Ex conf. 22. alias 25.

Licet annus probationis in vtriusque partis, id est, Natiuitatis, & religionis fauorem status sit, & vtraque pars illi fauori, vt cuiuslibet alij iuri suum fauorem concernenti, renunciare potest: cap. quod ob gratiam, de reg. iur. in 6. & l. quod fauore. C. de legib. adeo vt consuetudo generalis ante Concilium Trid. habeat, vt professio ante finem anni probationis facta de consensu partium valeat extra religionem quatuor mendicantium. c. non solum, & c. conf. de reg. in 6. eo quod ante illud, probationis annus principalis in fauorem priuatum, quæ publicum introductus videbatur; professio tamen contra legem prohibentem ne ante certam ætatem fiat, emissa, vt ante decimum sextum annum per Concilium Tridentinum, sess. 25. c. 15. de regul. aut ante decimum octauum annum in Monasterijs, in quibus prohibetur illa fieri ante illum, & etiā ante Tridentinum in ordine mendicantium ante finem anni nouitatus facta, non valet, ex Hoff. & Pan. in c. quia infulis, de regul. eo quod lex profiteri ante illam ætatem vetans, vtilitatem publicam potius quam priuatam partem respicere videtur, cui partes stare tenentur, adeo vt actus contra legem sic prohibentem illum fieri factus non valet. l. non dubiam. C. de legib.

DECISIO XXVIII.

Ex conf. 33. alias 10.

Cum religio seu militia sancti Stephani post Concilium Tridentinum sub regula S. Benedicti erecta & a Pio IV. confirmata sit, consequenter professi eiusdem ordinis vere religiosi censenda sunt, & castitatem coniugalem, & paupertatem, quamuis non omnimodam, illam tamen quæ regulam eorum requirit, sita scilicet vt liberam restituti facultatem non habeant, sed limitatam, relinquendo quintam partem ordinis) & obedientiam vouent: vnde & beneficia tantum regulam professis provideri solita, obtinere possunt, vt asserit Concilium Trid. sess. 14. c. 10. de reform. & sess. 25. c. 21. de reg. Et quamuis iure communi, castitas coniugalis, & talis paupertas ad solemnem religionis votum constituendum sufficere non videntur, c. cum ad monasterium, de statu monach. & S. Th. 2. 2. q. 156. art. 4. 6. & 7. Quia tamen voti solemnitas iuris humani est; ex priuilegio & dispensatione Papæ, minus, vel aucteratiōabili causa subsistente poterit, ita ut verè & proprie religio, cum castitate coniugali, & testandi facultate consistat, ut sentit. Innoc. & gl. in d. c. ad monasterium. Caiet. 2. 2. q. 88. art. 11. & Nau. in Man. cap. 12. num. 85.

DE